

խօնջանալ: Հասակավորները շալվարի ներքևի ծայրերը թողնում էին բաց: Երիտասարդները կապում էին դրօղալթիավ:

5. Չուխան շալ կտորից էր լինում, մուգ գույնի— սև, մուգ շագանակագույն, սակավ մուգ կապտավուն. շոբջը բոլոր եզրերին նույնպես բրդե դայթան կարած: Երկար, հասնում էր դրբանից՝ տապանից մի 8 սմ վեր:

6. Կծփին հաճախ քօխկա՝ կաշվե գոտի էր լինում, արծաթե զարդերի միջից անցկացրած կամ զարդերը վրայից կարած¹⁴: Սակայն հասակավորները՝ աճելնէրը, փաթաթում էին գոտկատեղով 3 մետր երկարութուն ունեցող շափաղի դանավնի: Այս սովորութունը եկած պիտի լինի արևմտյան հայերից:

7. Փափախ: Տեղական տարազն էր՝ «МОДА»-ն—աղաթը, լայն, գնդակաձևը, ոչխարի փարթամ մազոտ մորթուց: Հարուստներն աշխատում էին զանազանվել բուխարի, մրդայի, բէթը բիգ՝ բարձր փափախավ:

8. Կնիւպան կանացի կնիւպայից բարձր ճիթֆէրավ էր և ավելի պարզ նախշերով:

9. Հէսկի կամ դօղալթի, դօղալթի: Թե՛ ջահէլ և թե՛ աճէլ— թե՛ երիտասարդ և թե՛ ծեր, միշտ սև գույնի բամբակե, սակավ բրդե, գործվածք, լայնութունը 10—12 սմ, երկարութունը 1 և ավելի մետր, փաթաթում էին կնիւպայի ճտին, երիտասարդները մեջն առնելով փօխանի և շալվարի ծայրերը:

10. Ուռնաման: Հին տեղական ուռնաման էր տրէխը, շարուխը, որը կարում էր ամեն տղամարդ իր ոտքին համեմատ՝ ինքը, տանը մշակած եզան, գոմշի, խոզի և այլն կաշուց: Ոտքին հագնելուց հետո տրէխը կապում էին էրդէրավ՝ երկար տրբխէտանավ. տրբխէտանի մի ծայրը ամրացված էր տրէխի էթին՝ ծայրին, մյուս ազատ ծայրը անց էր կացվում տրէխի մատերավ՝ փոկից հյուսված անցքերով, շատ խիտ, այնպես, որ տրբխէտանի զօլէրը կաշու մէջ իրար և ծածկում են ոտքի թաթի մակերեսը: Ապա տրբխէտանի ազատ ծայրը շարունակում էին անցկացնել տրէխի փոկե ականջներով, որոնցից երկուսը կարվում էին տրէխի մաշէրի կողքին աջ ու ձախ, իսկ երկուսը՝ ետևից կրնկի կենտրոնից աջ ու ձախ: Տրբխէտանի ազատ ծայրն անց էին կացնում ականջների միջով, խաշաձև՝ առջևից դեպի ետևի ականջը, ապա կրնկի այդ ականջից դեպի մյուս ականջը, հետո բերում՝ խաշաձև առջևի ականջով, այնուհետև անցկացնում ետևի ականջով, բերում առջևի երկրորդ ականջը: Դրանից հետո տրբխէտանի ազատ մնացած մասը փաթաթում էին ոտքին և կապում: Տրէխը հյուսվում էր մեկ կամ երեքքանի՝ ծայրի մասը ծավլում էր երեք ծալքով: Տրբխէտանը հյուսված էր սովորական բամբակի թելից, տափակ էր և ներկված՝ գերազանցապես կարմիր՝ երիտասարդների համար, նաև սև՝ ծերերի համար:

Թե՛ տղամարդ և թե՛ կին հագնում էին, այժմ գրեթե մոռացված, շմօշկ-տղամարդը՝ սև, կինը՝ գունավոր, սիրած գույնը՝ կարմիր կամ կանաչ, սաղր՝ բծերով երեսը ասեղնագործած, քիթը սուր ու վեր ցցված—տղամարդունը՝ ավելի, կնոջը՝ պակաս: Տղամարդու շմօշկի դրբանը՝ տապանը, ավելի կտր, կնոջը, ձվաձև երկարացրած: Դրբանի ետևի մասը տակից մինչև կեսը նալ-

¹⁴ Հայ տղամարդը հնարավորութան շափ աշխատում էր ունենալ թանկարժեք գոտի, մտածելով, որ այն կարող է պետք գալ իր թաղման ծախսերը ծածկելու համար կամ ծայրահեղ դեպքում՝ սև օրվա հոգսը քաշելու համար: